

شبعان وجع

شبعان وجع ماتكملوش

موتي بسكات

لو هان عليكم حبي يوم

افتكرو ذكرى م اللي فات

لو حتى مليانه ألم

ولا حياتي

بالنسبة ليكم ماتسويش

مستكترين الموت

في جسمي النحيل

ولا عشان ميت

وشبعان م الوجع

يبقى خلاص مليش حياة

وتضيع ما بينا الذكريات
وحلم إنني أبقى ف يوم ملاك
ما بقاش متاح
موصوم بكل أشكال الذنوب
وأضعف الإيمان أتوب
وازاوي دا يحصل
والعمر آيل للغروب
والدنيا ملياها الآهات
ناس همها تسرق حاجات
وناس طبعها زي الحجر
وناس في الزحمه
تسرق قلوب
وأهي دايره بينا الذكريات
بين ناس عاشقه للوجع

وناس جواها حزن للممات

والذكرى إيه

غير حبة وجع إحساس ونبض

ونظرة وشوية حاجات

اتنطورت هنا وهنا

وأصبح ما بينا كتير حاجات

تمنع وصول النبض

في شريان الحياة

أشياء كتير مانعه الكلام

رافضه تقول

كان بينا لحظه م الغرام